

丘我今出世如來無所著等正覺明行成爲
善逝世間解無上士道法御天人師号佛衆
祐我今自饒益亦饒益他饒益多人愍傷世
間爲天爲人求義及饒益求安隱快樂我今
說法得至究竟究竟白淨究竟梵行究竟梵
行訖我今已離生老病死啼哭憂感我今已
得脫一切苦比丘若有正說者人命極少要
至後世應行善事應行梵行生無不死比丘
今是正說所以者何今若有長壽遠至百歲
或復小過者若有長壽者命存三百時春時

百夏時百冬時百是命存千二百月春四百
夏四百冬四百命存千二百年者命存二千
四百半月春八百夏八百冬八百命存二千
四百半月者三萬六千晝夜春萬千二夏萬
千二冬萬千二命存三萬六千晝夜者七萬
二千食及障礙及母乳於有障礙苦不食瞋
不食病不食有事不食行來不食至王間不
食齋日不食不得者不食是謂比丘二百歲

命存百歲數時數歲時數月數半月數月半
月數晝數夜數晝夜數食數障礙數食障礙
數比丘若有尊師所爲弟子起大慈哀憐念
愍傷求義及饒益求安隱快樂者我今已作
汝亦當復作至無事處山林樹下空安靜處
宴坐思惟勿得放逸勤加精進莫令後悔此
是我之教勸是我訓誨佛說如是彼諸比丘
聞佛所說歡喜奉行

阿蘭那經第九竟

中阿含經卷第四十

第四分別誦

溫子

鞞蘭若

上步迷反
下而者反
嘴子委反
觜啄丁角反
又

中阿含經卷第四十一

清一

東晉罽賓三藏瞿曇僧伽提婆譯

梵志品梵摩經第十

第四分別誦

我聞如是一時佛遊鞞陀提國與大比丘衆
俱爾時彌薩羅有梵志名曰梵摩極大富樂
資財無量畜牧產業不可稱計封戶食邑種

種具足豐饒彌薩羅乃至水草木謂摩竭陀王未生怨禪陀提子特與梵封梵志梵摩有一摩納名優多羅爲父母所舉受生清淨乃至七世父母不絕種族生生無惡博聞揔持誦過四典經深達因緣正文戲五句說梵志梵摩聞有沙門瞿曇釋種子捨釋宗族剃除鬚髮著袈裟衣至信捨家無家學道遊禪陀提國與大比丘衆俱彼沙門瞿曇有大名稱周聞十方彼沙門瞿曇如來無所著等正覺明行成爲善逝世間解無上士道法御天人師号佛衆祐彼於此世天及魔梵法門梵志從人至天自知自覺自作證成就遊彼說法初妙中妙竟亦妙有義有文具足清淨顯現梵行復次聞彼沙門瞿曇成就三十二大人之相若成就大人相者必有二處真諦不虛若在家者必爲轉輪王聰明智慧有四種軍整御天下由己自在如法法王成就七寶彼七寶者輪寶象寶馬寶珠寶女寶居士寶主

兵臣寶是謂爲七千子具足顏貌端正勇猛無畏能伏他衆彼必統領此一切地乃至大海不以刀杖以法教令令得安隱若剃除鬚髮著袈裟衣至信捨家無家學道者必得如來無所著等正覺名稱流布周聞十方梵志梵摩聞已告曰優多羅我聞如是彼沙門瞿曇釋種子捨釋宗族剃除鬚髮著袈裟衣至信捨家無家學道遊禪陀提國與大比丘衆俱優多羅彼沙門瞿曇有大名稱周聞十方彼沙門瞿曇如來無所著等正覺明行成爲善逝世間解無上士道法御天人師号佛衆祐彼於此世天及魔梵沙門梵志從人至天自知自覺自作證成就遊彼說法初妙中妙竟亦妙有義有文具足清淨顯現梵行復次優多羅彼沙門瞿曇成就三十二大人之相若成就大人相者必有二處真諦不虛若在家者必爲轉輪王聰明智慧有四種軍整御天下由己自在如法法王成就七寶彼七寶

清一
二

者輪寶象寶馬寶珠寶女寶居士寶主兵臣寶是謂爲七千子具足顏貌端正勇猛無畏能伏他衆彼必統領此一切地乃至大海不以刀杖以法教令令得安隱若剃除鬚髮著袈裟衣至信捨家無家學道者必得如來無所著等正覺名稱流布周聞十方優多羅汝受持諸經有三十二大人之相若成就大人相者必有二處真諦不虛若在家者必爲轉輪王聰明智慧有四種軍整御天下由己在如法法王成就十寶彼七寶者輪寶象寶馬寶珠寶女寶居士寶主兵臣寶是謂爲七千子具足顏貌端正勇猛無畏能伏他衆所著等正覺名稱流布周聞十方優多羅汝

法教令令得安隱若剃除鬚髮著袈裟衣至
清一
三
信捨家無家學道者必得如來無所著等正
覺名稱流布周聞十方梵志梵摩告曰優多
羅汝往詣彼沙門瞿曇所觀彼沙門瞿曇爲
如是爲不如是寶有三十二大人相耶優多
羅摩納聞已稽首梵志梵摩足繞三匝而去
往詣佛所共相問訊却坐一面觀世尊身三

必統領此一切地乃至大海不以刀杖以法
教令令得安隱若剃除鬚髮著袈裟衣至信
捨家無家學道者必得如來無所著等正覺
名稱流布周聞十方優多羅答曰唯然世尊
我受持諸經有三十二大人之相若成就大
人相者必有二處真諦不虛若在家者必爲

十二相彼見世尊身有三十相於二相疑惑
陰馬藏及廣長舌世尊念曰此優多羅於我
身觀三十二相彼見有三十相於二相疑惑
陰馬藏及廣長舌我今寧可斷其疑惑世尊
知已即如其像作如意足如其像作如意足
已令優多羅摩納見我身陰馬藏及廣長舌

於是世尊即如其像作如意足如其像作如意足已優多羅摩納見世尊身陰馬藏及廣長舌廣長舌者從口出舌盡覆其面優多羅摩納見已而作是念沙門瞿曇成就三十二大人之相若成就大人相者必有二處真諦不虛若在家者必爲轉輪王聰明智慧有四

種軍整御天下由己自在如法法王成就七寶彼七寶者輪寶象寶馬寶珠寶女寶居士寶主兵臣寶是謂爲七千子具足顏貌端正勇猛無畏能伏他衆彼必統領此一切地乃至大海不以刀杖以法教令令得安隱若剝除鬚髮著袈裟衣至信捨家無家學道者必得如來無所著等正覺名稱流布周聞十方優多羅摩納復作是念我寧可極觀威儀禮節及觀遊行所趣於是優多羅摩納尋隨佛行於夏四月觀威儀禮節及觀遊行所趣優多羅摩納過夏四月悅可世尊威儀禮節及觀遊行所趣白曰瞿曇我今有事欲還請辭

世尊告曰優多羅波去隨意優多羅摩納聞世尊所說善受善持即從坐起繞三匝而去往詣梵志梵摩問曰優多羅實如所聞沙門瞿曇有大名稱周聞十方爲如是爲不如是實有三十二大人相耶優多羅摩納答曰唯然

清一
四

尊實如所聞沙門瞿曇有大名稱周聞十方沙門瞿曇如是非不如是實有三十二相尊沙門瞿曇足安平立是謂尊沙門瞿曇大人之人之相復次尊沙門瞿曇足下生輪輪有千輻一切具足是謂尊沙門瞿曇大人之人之相復次尊沙門瞿曇足指纖長是謂尊沙門瞿曇大人之人之相復次尊沙門瞿曇足周正直是謂尊沙門瞿曇大人之人之相復次尊沙門瞿曇足跟踝後兩邊平滿是謂尊沙門瞿曇大人之人之相復次尊沙門瞿曇足兩踝滿是謂尊沙門瞿曇大人之人之相復次尊沙門瞿曇身毛上向是謂尊沙門瞿

曇大大人大人之相復次尊沙門瞿曇手足網
 纓猶如鵝王是謂尊沙門瞿曇大人大人之
 相復次尊沙門瞿曇手足極妙柔弱濡軟猶
 兜羅華是謂尊沙門瞿曇大人大人之相復
 次尊沙門瞿曇肌皮濡細塵水不著是謂尊
 沙門瞿曇大人大人之相復次尊沙門瞿曇
 一一毛一一毛者身一一孔一毛生色若紺
 青如螺右旋是謂尊沙門瞿曇大人大人之
 相復次尊沙門瞿曇鹿腨腸猶如鹿王是謂
 尊沙門瞿曇大人大人之相復次尊沙門瞿
 曇陰馬藏猶良馬王是謂尊沙門瞿曇大
 大人之相復次尊沙門瞿曇身形圓好猶尼
 拘類樹上下圓相稱是謂尊沙門瞿曇大人
 大人之相復次尊沙門瞿曇身不阿曲身不
 曲者平立伸手以摩其膝是謂尊沙門瞿曇
 大人大人之相復次尊沙門瞿曇身黃金色
 如紫磨金是謂尊沙門瞿曇大人大人之相
 復次尊沙門瞿曇身七處滿七處滿者兩手

清一

五

兩足兩肩及頸是謂尊沙門瞿曇大人大人
 之相復次尊沙門瞿曇其上身大猶如師子
 是謂尊沙門瞿曇大人大人之相復次尊沙
 門瞿曇師子類車是謂尊沙門瞿曇大人大
 人之相復次尊沙門瞿曇脊背平直是謂尊
 沙門瞿曇大人大人之相復次尊沙門瞿曇
 兩肩上連通頸平滿是謂尊沙門瞿曇大人
 大人之相復次尊沙門瞿曇四十齒平齒不
 跡齒白齒通味第一味是謂尊沙門瞿曇大
 大人之相復次尊沙門瞿曇梵音可愛其
 聲猶如加羅毗伽是謂尊沙門瞿曇大大人
 之相復次尊沙門瞿曇廣長舌廣長舌者
 舌從口出遍覆其面是謂尊沙門瞿曇大人
 大人之相復次尊沙門瞿曇承淚處滿猶如
 牛王是謂尊沙門瞿曇大人大人之相復次
 尊沙門瞿曇眼色紺青是謂尊沙門瞿曇大
 大人之相復次尊沙門瞿曇頂有肉髻圓
 圓相稱髮螺右旋是謂尊沙門瞿曇大人大

人之相復次尊沙門瞿曇眉間生毛潔白右
繁是謂尊沙門瞿曇大人大人之相是謂尊
沙門瞿曇成就三十二大人之相若成就大
人相者必有二處真諦不虛若在家者必爲
轉輪王聰明智慧有四種軍整御天下由已
自在如法法王成就七寶彼七寶者輪寶象

寶馬寶珠寶女寶居士寶主兵臣寶是謂爲
七千子具足顏貌端正勇猛無畏能伏他衆
彼必統領此一切地乃至大海不以刀杖以
法教令令得安隱若剃除鬚髮著袈裟衣至
信捨家無家學道者必得如來無所著等正
覺名稱流布周聞十方復次尊我見沙門瞿

清一

六

墨著衣已著衣被衣出房已出房出
園已出園行道至村間入村在巷入
家已入家正牀已正牀坐已坐澡手已澡手
受飲食已受飲食食已食澡手呪願從坐起
出家已出家在巷出村已出村入園已入園
入房已入房尊沙門瞿曇著衣齊整人高不

下衣不近體風不能令衣遠離身尊沙門瞿
曇被衣齊整不高不下衣不近體風不能令
衣遠離身尊沙門瞿曇常著新衣隨順於聖
以刀割截染作惡色如是彼聖染作惡色彼
持衣者不爲財物不爲貢高不爲自飾不爲
莊嚴但爲鄣蔽蚊蚋風日之所觸故及爲慙
愧覆其身故彼出房時身不低仰尊沙門瞿
曇出房時終不低身尊沙門瞿曇若欲行時
先舉右足正舉正下行不擾亂亦無惡亂行
時兩踝終不相振尊沙門瞿曇行時不爲塵
土所坌所以者何以本善行故彼出園時身
不低仰尊沙門瞿曇出園時終不低身往到
村間身極右旋觀察如龍遍觀而觀不恐不
怖亦不驚懼觀於諸方所以者何以如來無
所著等正覺故彼入村時身不低仰尊沙門
瞿曇入村時終不低身彼在街巷不低視亦
不仰視唯直正視於中不礙所知所見尊沙
門瞿曇諸根常定所以者何以本善行故彼

清一

入家時身不低仰尊沙門瞿曇入家時終不低身尊沙門瞿曇迴身右旋正牀而坐彼於牀上不極身力坐亦不以手案牀坐牀彼坐牀已不悒悒不煩惱亦復不樂受澡水時不高不下不多不少彼受飲食不高不下不多不少尊沙門瞿曇受食平鉢等羹飯食尊沙門瞿曇搏食齊整徐著口中搏食未至不預張口及在口中三嚼而咽無飯及羹亦不斷碎有餘在口復內後搏尊沙門瞿曇以三事清淨食欲得味不欲染味彼食不爲財物不爲貢高不爲自飾不爲莊嚴但欲存身父性無患用止故疾不起新病存命無患有力使樂飯食已訖受澡手水不高不下不多不少受澡鉢水不高不下不多不少彼洗手淨已其鉢亦淨洗鉢淨已其手亦淨拭手已便拭鉢拭鉢已便拭手彼洗拭鉢已安著一面不近不遠不數觀鉢亦不爲鉢彼不毀訾此食亦不稱譽彼食但暫嘿然已爲諸居士說法

勸發渴仰成就歡喜無量方便爲彼說法勸發渴仰成就歡喜已即從座起便退而還彼出家時身不低仰尊沙門瞿曇出家時終不低身彼在街巷不低視亦不仰視唯直正視於中不礙所知所見尊沙門瞿曇諸根常定所以者何以本善行故彼出村時身不低仰尊沙門瞿曇出村時終不低身彼入園時身不低仰尊沙門瞿曇入園時終不低身彼中食後收舉衣鉢澡洗手足以尼師壇著於肩上入房晏坐尊沙門瞿曇饒益世間故入房宴坐尊沙門瞿曇則於晡時從宴坐起面色光澤所以者何以如來無所著等正覺故尊沙門瞿曇口出八種音聲一曰甚深二曰毗摩樓敷三曰入心四曰可愛五曰極滿六曰活瞿七曰分了八曰智也多人所愛多人所樂多人所念令得心定尊沙門瞿曇隨衆說法聲不出衆外唯在於衆爲彼說法勸發渴仰成就歡喜無量方便爲彼說法勸發渴仰

成就歡喜已 即從座起歸還本所尊沙門瞿
曇其像如是但有殊勝復過於是尊我欲詣
彼沙門瞿曇從學梵行梵志梵摩告曰隨意
於是優多羅摩納稽首梵志梵摩足繞三匝
而去往詣佛所稽首佛足却坐一面白曰世
尊願從世尊學道受具足成就比丘得從世

尊修行梵行於是世尊度優多羅摩納令學
道受具足度優多羅摩納令學道受具足已
遊行鞞陀提國與大比丘衆俱展轉進前到
彌薩羅住彌薩羅大天捺林彼彌薩羅梵志
居士聞沙門瞿曇釋種子捨釋宗族出家學
道遊行鞞陀提國與大比丘衆俱展轉來至
此彌薩羅住大天捺林沙門瞿曇有大名稱
周聞十方沙門瞿曇如來無所著等正覺明
行成爲善逝世間解無上士道法御天人師
号佛衆祐彼於此世天及魔梵沙門梵志從
人至天自知自覺自作證成就遊彼說法初
妙中妙竟亦妙有義有文具足清淨顯現梵

行若有見如來無所著等正覺敬重禮拜供
養承事者快得善利我等寧可共往見彼沙
門瞿曇禮拜供養彼彌薩羅梵志居士各與
等類眷屬相隨從彌薩羅出北行至大天捺
林欲見世尊禮拜供養往詣佛已或有彌薩
羅梵志居士稽首佛足却坐一面或有與佛
清一九

共相問訊却坐一面或有叉手向佛却坐一
面或有遙見佛已嘿然而坐彼彌薩羅梵志
居士各各坐已佛爲說法勸發渴仰成就歡
喜無量方便爲彼說法勸發渴仰成就歡喜
已嘿然而住梵志梵摩聞沙門瞿曇釋種子
捨釋宗族出家學道遊行鞞陀提國與大比
丘衆俱展轉來至此彌薩羅國住大天捺林
彼沙門瞿曇有大名稱周聞十方彼沙門瞿
曇如來無所著等正覺明行成爲善逝世間
解無上士道法御天人師号佛衆祐彼於此
世天及魔梵沙門梵志從人至天自知自覺
自作證成就遊彼說法初妙中妙竟亦妙有

義有文具足清淨顯現梵行若有見如來無所著等正覺敬重禮拜供養承事者快得善利我寧可往見沙門瞿曇禮拜供養梵志梵摩告御者曰汝速嚴駕訖還欲往詣沙門瞿曇御者受教即速嚴駕訖還白曰嚴駕已畢尊自知時於是梵塵乘極賢妙車從彌薩羅

出北行至大天捺林欲見世尊禮拜供養爾時世尊在無量衆前後圍繞而為說法梵志梵摩遙見世尊在無量衆前後圍繞而為說法見已恐怖於是梵摩即避在道側至樹下住告一摩納汝往詣彼沙門瞿曇為我問訊聖體康強安快無病起居輕便氣力如常耶作如是語瞿曇我師梵摩問訊聖體康強安快無病起居輕便氣力如常耶瞿曇我師梵摩欲來見沙門瞿曇於是摩納即受教行往詣佛所共相問訊却坐一面白曰瞿曇我師梵摩問訊聖體康強安快無病起居輕便氣力如常耶瞿曇我師梵摩欲來欲見沙門瞿

曇世尊告曰摩納令梵志梵摩安隱快樂令天及人阿脩羅捷沓和羅刹及餘種種身安隱快樂摩納梵志梵摩欲來隨意於是摩納聞佛所說善受善持即從座起繞佛三匝而去還詣梵志梵摩所白曰尊我已通沙門瞿曇被沙門瞿曇今住待尊唯尊知時梵志梵摩即從車下步詣佛所彼衆遙見梵志梵摩來即從座起開道避之所以者何以有名德及多識故梵志梵摩告彼衆曰諸賢各各復坐我欲直往見沙門瞿曇於是梵摩往詣佛所共相問訊却坐一面爾時梵摩不壞二根眼根及耳根梵志梵摩坐已諦觀佛身三十

清一
十

二相彼見三十相於二相有疑陰馬藏及廣長舌梵志梵摩即時以偈問世尊曰
如我昔曾所聞 三十二大人相
於中求不見二 瞳沙門瞿曇身
爲有陰馬藏不 一切人尊深密
云何爲人最尊 不現視微妙舌

若尊有廣長舌

唯願令我得見

今寶有疑惑心

願調御決我疑

世尊作是念此梵志梵摩求我身三十二相
彼見三十於二有疑惑陰馬藏及廣長舌我今
寧可除彼疑惑世尊知已作如其像如意足
作如其像如意足已梵志梵摩見世尊身陰

馬藏及廣長舌於中廣長舌者舌從口出盡
覆其面世尊止如意足已 為梵志梵摩說此
頌曰

謂汝昔曾所聞

彼一切在我身

調御斷於我疑

清一

三十二大人相

滿具足最上正

梵志發微妙信

十一

至難得見聞

最上正盡覺

出世爲極難

世尊既許問

梵志梵摩故

便問世尊事

最上正盡覺

梵志我正覺

無上正法王

隨本意所思

云何爲梵志

三達有何義

梵志梵摩聞已而作是念

此沙門瞿曇成就

以何說無著

何等正盡覺

三十二大人之相謂成就

大人相者必有二

爾時世尊以頌答曰

滅惡不善法

立住釋梵行

修習梵志行

處真諦不虛若在家者必爲轉輪王聰明智

慧有四種軍整御天下如法法王成就七寶

以此爲梵志

明達於過去 見樂及惡道

彼七寶者輪寶象寶馬寶珠寶女寶居士寶

主兵呂寶是謂爲七千子具足顏貌端正勇猛無畏能伏他衆彼必統領此一切地乃至

大海不以刀杖以法教令令得安隱若剃除鬚髮著袈裟衣至信捨家無家學道者必得

如來無所著等正覺名稱流布周聞十方於

是世尊而作是念此梵志梵摩長夜無謾詭
無欺誑所欲所問者一切欲知非爲觸燒彼
亦如是我寧可說彼甚深阿毗曇世尊知已
爲梵志梵摩即說頌曰

現出樂法故 饒益爲後世 梵志汝問事

隨本意所思 彼彼諸問事 我爲汝斷疑

梵志梵摩故

便問世尊事

云何爲梵志

三達有何義

隨本意所思

梵志梵摩故

便問世尊事

云何爲梵志

三達有何義

梵志梵摩故

便問世尊事

云何爲梵志

三達有何義

梵志梵摩故

便問世尊事

云何爲梵志

三達有何義

梵志梵摩故

得盡無明訖 知是立牟尼 善知清淨心
盡脫姪怒癡 成就於三明 以此爲三達
遠離不善法 正住第一義 第一出所敬
以此爲無著 饒益天及人 與眼滅壞諍
普知現視盡 以此爲正覺

於是梵摩即從座起欲稽首佛足彼時大衆

同時俱發高大音聲沙門瞿曇甚奇甚特有
大如意足有大威德有大福祐有大威神所
以者何此彌薩羅國所有梵志居士者梵志
梵摩於彼最第一謂出生故梵志梵摩爲父
母所舉受生清淨乃至七世父母不絕種族
生生無惡彼爲沙門瞿曇極下意尊敬作禮

清一

十二

供養奉事沙門瞿曇甚奇甚特有大如意足
有大威德有大福祐有大威神所以者何此
彌薩羅國所有梵志居士者梵志梵摩於彼
最第一謂學書故梵志梵摩博聞憶持誦過
四典經深達因緣正文戲五句說彼爲沙門
瞿曇極下意尊敬作禮供養奉事沙門瞿曇

甚奇甚特有大如意足有大威德有大福祐
有大威神所以者何此彌薩羅國所有梵志
居士者梵志梵摩於彼最第一謂財物故梵
志梵摩極大富樂資財無量畜牧產業不可
稱計封戶食邑種種具足 豐饒彌薩羅乃至
水草木謂王摩竭提未生怨禪陀提子持與
梵封彼爲沙門瞿曇極下意尊敬作禮供養
奉事沙門瞿曇甚奇甚特有大如意足有大
威德有大福祐有大威神所以者何此彌薩
羅國所有梵志居士者梵志梵摩於彼最第
一謂壽命故梵志梵摩極 大長老壽命具足
年百二十六彼爲沙門瞿曇極下意尊敬作
禮供養奉事是時世尊以他心智知彼大衆
心之所念世尊知已告梵志梵摩止止梵志
首佛足却坐一面世尊爲彼說法勸發渴仰
成就歡喜無量方便爲彼說法勸發渴仰成
就歡喜已如諸佛法先說端正法聞者歡悅

清一

十三

謂說施說戒說生天法毀訾欲爲災患生死爲穢稱嘆無欲爲妙道品曰淨爲說是已佛知彼有歡喜心具足心柔軟心堪耐心昇上心一向心無疑心無蓋心有能有力堪受正法謂如諸佛所說正心世尊具爲彼說苦集滅道梵志梵摩即於座上見四聖諦苦集滅

道猶如白素易染爲色如是梵摩即於座上

見四聖諦苦集滅道於是梵摩見法得法覺白淨法斷疑度惑更無餘尊不復由他無有猶豫已住果證於世尊法得無所畏即從座起稽首佛足世尊我今自歸於佛法及比丘衆唯願世尊受我爲優婆塞從今日始終身自歸乃至命盡時梵志梵摩又手向佛答曰世尊唯願明日垂願受請及比丘衆世尊爲梵志梵摩故嘿然而受梵志梵摩知世尊嘿然受已稽首佛足繞三匝而去還歸其家即於其夜施設饍饌極妙上法種種豐饒食數舍消施設已訖平旦敷牀至時唱曰世尊飲

食已辦唯聖知時於是世尊過夜平旦著衣持鉢比丘翼從世尊在前往詣梵志梵摩家於比丘衆前敷座而坐梵志梵摩知世尊及比丘衆衆坐已定自行澡水以上味餚饌種種豐饒食數含消自手酬酌令極飽滿食訖收器行澡水竟取一小牀坐受呢願梵志梵

摩坐已世尊爲彼說呢願曰

呪火第一齋 遍音諸音本 王爲人中尊海爲江河長 月爲星中明 明照無過日上下維諸方 及一切世間 從人乃至天唯佛最第一

於是世尊爲梵志梵摩說呢願已從座起去彌薩羅國住經數日攝衣持鉢則便遊行至舍衛國展轉進前到舍衛國住勝林給孤獨園於是衆多比丘舍衛乞食時聞彼彌薩羅梵志梵摩以偈問佛事彼便命終諸比丘聞已食訖中後收舉衣鉢澡洗手足以尼師壇著於肩上往詣佛所稽首作禮却住一面前

曰世尊我等衆多比丘平日著衣持鉢入舍

衛乞食時聞彼彌薩羅梵志梵摩以偈問佛

事彼便命終世尊彼至何處爲生何許後世

云何世尊答曰比丘梵志梵摩極有大利最

後知法爲法故不煩勞我比丘梵志梵摩五
下分結盡生彼得般涅槃得不退法不還此

世爾時世尊記說梵摩得阿那含佛說如是
梵志梵摩及諸比丘聞佛所說歡喜奉行
梵摩經第十竟

中阿含經卷第四十一

第四分別誦

中阿含經卷第四十一

清一

鞞步迷牧音訊輻音纖息廉踝胡瓦臘恭
反縵莫官濡輒上而紺古暗
反肩頸上音堅下脊蹠音繁營
文下莫張直庚脊領反澡音早蚊螭上軟
庚反約咽於見瘡田刃搏圍嚼音
反才音燒奴鳥餚饌上戶交反甚酌針勺
諛諧俞音燒奴鳥餚饌下床戀反甚酌針勺

娑利曰比丘我今欲寄陶屋一宿汝見聽耶
尊者弗迦羅娑利答曰君我無所違且此陶
屋草座已敷君欲住者自可隨意爾時世尊
從彼陶屋出外洗足訖還入內於草座上敷
尼師壇結跏趺坐竟夜嘿然靖坐定意尊者
弗迦羅娑利亦竟夜嘿然靖坐定意彼時世

根本分別品第二

有十經

第四分別誦

分別六界處 觀法溫泉林 釋中禪室尊
阿難說意行 拘樓瘦無諱 鶻鵠分別業
根本分別品分別六界經第一

我聞如是一時佛遊摩竭提國往詣王舍城
宿於是世尊往至陶家語曰陶師我今欲寄
陶屋一宿汝見聽耶陶師答曰我無所違然
有一比丘先已住中若彼聽者欲住隨意爾
時尊者弗迦羅娑利先已在彼住陶屋中於
是世尊出陶師家入彼陶屋語尊者弗迦羅